

---

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 2. Zakona o administrativnim taksama ("Službeni glasnik BiH", br. 16/02, 19/02, 43/04, 8/06, 76/06, 76/07, 3/08, 3/10 i 98/12), a u vezi s članom 32. Pravilnika o uslovima i postupku izdavanja odobrenja za stavljanje genetski modificirane hrane i hrane za životinje prvi put na tržište Bosne i Hercegovine i zahtjevima koji se odnose na njihovu sljedivost i označavanje ("Službeni glasnik BiH", broj 78/12), na prijedlog Agencije za sigurnost hrane Bosne i Hercegovine, Vijeće ministara Bosne i Hercegovine, na 104. sjednici održanoj 8. jula 2014. godine, donijelo je

**ODLUKU**  
**O VISINI POSEBNE NAKNADE ZA IZDAVANJE**  
**RJEŠENJA O ODOBRENJU ZA STAVLJANJE NA**  
**TRŽIŠTE GENETSKI MODIFICIRANE HRANE I**  
**HRANE ZA ŽIVOTINJE**

Član 1.

(Predmet)

- (1) Ovom odlukom određuje se visina naknade za postupak izdavanja rješenja o odobrenju za stavljanje na tržište genetski modificirane hrane i hrane za životinje prvi put na tržište Bosne i Hercegovine i zahtjeva koji se odnose na njihovu sljedivost i označavanje pred Agencijom za sigurnost hrane Bosne i Hercegovine (u daljnjem tekstu: Agencija).
- (2) Pod naknadama iz stava (1) ovog člana smatraju se i troškovi za ostale usluge koje pruža Agencija u postupku izdavanja rješenja.
- (3) O naplati naknade brine Agencija, a naknade su prihodi budžeta institucija Bosne i Hercegovine.

Član 2.

(Naknada)

Spisi i radnje za koje se plaća naknada, kao i iznosi naknade za izdavanje rješenja o odobrenju za stavljanje na tržište genetski modificirane hrane i hrane za životinje su:

- |  |           |
|--|-----------|
| a) za podnošenje zahtjeva za izdavanje ili obnovu rješenja o odobrenju | 30,00 KM  |
| mišljenje Vijeća za genetski modificirane                              |           |
| b) organizme o podnesenom zahtjevu za izdavanje rješenja o odobrenju   | 400,00 KM |
| izdavanje rješenja o odobrenju za stavljanje na                        |           |
| c) tržište   | 500,00 KM |
| d) upis u Jedinstveni registar GMO-a                                   | 30,00 KM  |
| e) izmjena uslova iz rješenja o odobrenju                              | 100,00 KM |
| f) obnova rješenja o odobrenju   | 500,00 KM |

Član 3.

(Obaveznik plaćanja naknade)

Obaveznik plaćanja naknade je pravno lice po čijem je zahtjevu pokrenut postupak izdavanja rješenja o odobrenju ili se provode radnje predviđene Odlukom.

Član 4.

(Naznaka o plaćanju naknade)

U rješenju o odobrenju mora se naznačiti da je naknada plaćena i u kojem iznosu.

Član 5.

(Valuta plaćanja)

- (1) Naknada se plaća u konvertibilnim markama ili u protuvrijednosti predviđene naknade po srednjem kursu Centralne banke Bosne i Hercegovine na dan uplate.
- (2) Agencija daje instrukciju za uplatu posebnih naknada u skladu s odredbama Naredbe o uplatnom računu Ministarstva finansija i trezora Bosne i Hercegovine

Član 6.

(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

VM broj 112/14  
8. jula 2014. godine  
Sarajevo

Predsjedavajući  
Vijeća ministara BiH  
**Vjekoslav Bevanda, s. r.**